

TOMMY DE CUBA PA FESTIVAL FESTIBUGA

ORANJESTAD (AAN): Ayera a sali pa Cali (Colombia) e cantante Arubiano Tommy de Cuba pa participa na e Festival Festibuga cu ta tuma lugar riba dianan 17, 18, y 19 di Augustus unda henter Latino America lo participa cu interpretenan.

E ta un festival di interprete. E interpretacion di e cantante ta e requisito di prome lugar. Lo bay tin un festival nacional e dianan prome pa selecciona e representante di Colombia cu lo bay competi den e Festival Festibuga cu lo worde transmiti tambe pa diferente pais den region.

Lo bay tin hopi artista inter-



nacional presente, manera e.o. Pandora, Marco Antonio, Jose Velez, e yiu di Javier Soliz, y mas.

E prome anochi lo ta un fes-

tival folclorico unda cada cantante lo representa den nan trahe y nan cancion folclorico. Tommy de Cuba ta bayendo cu dos cancion di Rob Martis y ta cancionnan cu el a interpreta na cancionnan anterior na Aruba.

Lucio Rivadeneira lo bay cu ne como director musical pa asistie den tur loke ta trata musica y areglo. Den un entrevista cu DIARIO, nan a bisa cu nan ta bayendo Colombia hopi optimista.